

## **1. UVOD**

U ovom radu bavit ćemo se analizom reguliranja međunarodne pravne nadležnosti u Bosni i Hercegovini. Također, razmotrit ćemo i reguliranje sudske nadležnosti u Evropskoj Uniji.

Cilj će nam biti prikazati i obraditi propise našeg zakonodavstva prema kojima se zasniva međunarodna nadležnost sudova u BiH. Isto tako, analizirat ćemo i temeljne propise na kojima se zasniva međunarodno privatno pravo Evropske Unije. Navest ćemo i određen broj primjera iz sudske prakse gdje su primijenjena pravila o međunarodnoj nadležnosti.

Obzirom na sve prisutnije procese globalizacije i međupovezanosti zemalja, poslovnih subjekata i građana, ukazat ćemo na sve veći značaj proučavanja problematike međunarodne pravne nadležnosti.

Metode kojima ćemo se koristiti pri izradi ovog rada su analiza dostupne znanstvene i stručne literature, te sinteza prikupljenih spoznaja i usvajanje zaključaka.

Osnovni izvori kojima ćemo se služiti su znanstvena literatura, domaći zakonski propisi kojima se ovo područje uređuje, konvencije i propisi u Evropskoj Uniji te međunarodne konvencije. Osim toga koristi ćemo i dostupne materijali sa Interneta.

Rad će se sastojati od četiri temeljne cjeline. U prvom djelu ćemo definirati pojam međunarodne nadležnosti i dati njene osnovne podjele. Također, dati ćemo prikaz osnovnih principa na kojima se zasniva reguliranje međunarodne nadležnosti.

U drugom djelu ćemo se baviti analizom reguliranja međunarodne nadležnosti u Bosni i Hercegovini, kroz razmatranje odredbi dva temeljna zakona kojima se ona uređuje, a to su Zakon o parničnom postupku i Zakon o rješavanju sukoba zakona sa propisima drugih država.

Kako se rješava međunarodna nadležnost u zemljama Evropske Unije pokušat ćemo dati odgovor u trećem djelu. U sklopu ovog djela ćemo obraditi tri specifična aspekta suradnje sudova u Evropskoj Uniji, a to su priznanje i izvršenje stranih odluka, suradnja u stečajnom postupku te suradnja u oblasti osiguranja auto odgovornosti.

U završnom djelu ćemo govoriti o ciljevima Haške konferencije te dati prikaz nekih od konvencija koje su u okviru konferencije donesene.

Smatram da je proučavanje ovog područja iznimno značajno i izazovno, kako zbog sve većeg stupnja međunarodne povezanosti i interakcije građana i poslovnih subjekata, tako i u smislu uključivanja Bosne i Hercegovine u europske integracije, što će zasigurno imati za posljedicu prilagođavanje našeg sistema pravnom okviru Evropske Unije.